

四庫全書

史部

# 欽定四庫全書

史部

硃批諭旨卷一百八十九上

詳校官尚書臣德保

編修臣裴謙履勘

總校官中書臣朱鈐

校對官典簿臣郭祚熾

謄錄監生臣楊其梓

欽定四庫全書

御批諭旨卷一百八十九上

御批張廣泗奏摺

雍正六年二月二十五日貴州按察使

臣張廣泗

謹

奏為恭請

聖訓事竊臣至愚極賤由貴州黎平府知府荷蒙

聖恩逾格著令署理貴州按察使印務未及一月復蒙

特予補授聞

命之下實切悚惶所有感激蟻忱已經詳懇署撫臣代  
題恭謝

天恩外伏思按察使為通省刑名總匯而黔省更屬苗  
疆要地臣才識短淺一切措理恐多叢脞謹冒昧  
具摺跪求

皇上俯賜訓諭庶臣於萬里之遙得以祇承  
天語時加惕勵恪供職守皆出

聖主生成之賜矣為此謹

奏

覽奏謝知道了勉力奉公勿懈諸務必深知灼見後方可舉行若緣圖報心殷涉於孟浪有損無益過猶不及也當切以為戒

雍正六年八月二十日新授貴州巡撫臣張廣泗  
謹

奏為恭謝

天恩事雍正六年七月二十二日臣在凱里附近地方  
行營接准貴州巡撫臣沈廷正咨准吏部咨開奉  
旨雲南巡撫員缺著貴州巡撫沈廷正調補貴州巡撫  
員缺著將貴州按察使張廣泗補授等因欽遵轉咨  
到臣當於行營恭設香案望

闕叩頭謝

恩訖又於七月二十九日准調任雲南巡撫臣沈廷正  
咨准吏部咨開內閣交出奉

上諭張廣泗現有化誨生苗等事其貴州巡撫事務仍著沈廷正署理令張廣泗得以從容辦理俟張廣泗到任後沈廷正再赴雲南新任欽此移咨到臣跪讀之下仰見

聖主睿慮周詳無遠弗照臣欽遵逐一敬謹從容辦理務期蠢爾愚蒙咸通

聖朝治化邊界良民永資寧謐以上副

聖主軫念遐荒之至意除將現在辦理情形另行具

奏外理合繕摺恭謝

天恩謹

奏

覽奏已悉凡百不可固執惟以相機合宜為貴縱始初稍有見不到處一片忠赤報效之心自在慎毋回護前言勉強從事設或苗情頑蠢一時辦理過激致傷多命奏效雖速朕心有所不忍原係化外蠻夷非內地叛逆之可比也當仰遵訓諭詳慎為之



同日又

奏為奏明開通苗疆情形仰祈

睿鑒事竊查黔省自黎平府以西都勻府以東鎮遠平  
越等府以南廣西之柳州慶遠等府以北中夾一  
段地方介於數郡之中延袤千有餘里寨分千餘  
人丁戶口不下十數餘萬皆係生苗不服約束為  
害巖疆其逼近黎平者則為八萬古州逼近鎮遠  
者則為九股逼近都勻者則為八寨逼近凱里者

則為丹江均係地面寬廣戶口稠繁更為各郡要隘之區臣去歲於黎平知府任內奉督臣鄂爾泰檄令相機化誨曾兩至八萬古州曲加開導彼等已知凜戴願行內附隨備叙情形稟覆督臣并臣今春奉調赴滇又蒙督臣面囑機宜委令從長布置勦撫兼施臣即遵照於五月內起程先抵都勻府料理八寨等處逐一宣揚我

皇上如天之仁曉以歸誠向化之樂其有稍稱淳良者

隨即匍匐行營矢願歸化臣當即重加賞犒申明  
約束嚴禁騷擾其中狡黠初懷觀望并欲妄行拒  
阻者迨畧試以威旋亦覺悟俱來投撫臣亦一體  
量加賞賚諄切宣示察其田土肥磽人戶衆寡令  
其認納糧賦使知任土作貢之義并查明戶口冊  
報督撫諸臣察核以及行知鎮遠文武各官就近  
將九股生苗相機化誨亦多感悟就撫將戶口開  
造到臣合之臣所撫八寨共計大小二百三十餘

寨男女共二萬餘丁口惟丹江一處倚衆恃險不遵化誨臣遣通事人等前往再三曉諭始終執迷不悟且將欲行向化各寨多方阻截不容歸誠并將八寨內已撫之楊牌楊堯等寨設計勾串希圖反復及官兵臨境竟敢公然抗違益肆頑梗則是恩不能用非威不可矣臣隨飛咨請商督臣鄂爾泰并調任撫臣沈廷正提臣楊天縱意見僉同各派遣官兵前來臣凜遵

諭旨從容辦理惟當慎重圖維敬謹匪懈擬將丹江一處勦撫並施布置妥協則古州八寨以及九股等處其已就撫者自必懷德之心益堅而尚在觀望者亦俱知凜惕咸可漸歸約束矣所有現在辦理情形理合繕摺

奏明伏祈

皇上睿鑒謹

奏

已差收可登春山密齋敕諭來黔矣爾接諭後相機審  
勢加詳加慎為之

同日又

奏為恭繳

硃批事雍正六年五月十四日據臣家人自京捧回臣

恭請

聖訓一招奉有

硃批臣跪讀之下如瞻

天表感激悚惶仰見我

皇上惟聖惟明執中建極

訓誨臣工務期詳慎至意伏思人臣事

君要在以誠以敬而臨事應物尤貴實政實心固不可

為臣

居官之要數語包括殆盡實力勉為之可也

久遽荷

聖主特達之知惟有勉圖報效今恭承

聖訓加意提撕臣當字字精研言言省悟諸凡務求了

然於心而後措之於事不敢輕蹈有過不及之愆  
以上副

聖主格外造就隆恩下盡微臣駑駘之報於萬一也所  
有原奉

硃批理合恭繳謹

奏

覽

同日又



奏為謹陳蟻悃跪懇

天恩事竊臣父原任山東兗州府管河通判張鎬於康熙五十七年丁憂回旗候補於雍正四年蒙

皇上天恩命往水利營田效力因臣父奉委賣米有應交米價銀兩遲延日久始行繳納經總理水利營田使怡親王叅奏奉

旨交部議處昨閱鈔報內開刑部

題為特叅虧空等事將臣父擬以枷責等因具

題奉

旨依議欽此

臣跪讀之下戰慄惶恐感激涕零伏念

臣父以閒廢之員蒙我

皇上天恩錄用命往水利效力

臣以庸劣愚賤之人蒙

聖主拔擢巡撫

隆恩異數榮寵非常

臣父子既受我

聖主格外之恩今

臣父有罪亦宜從重加倍究治乃復

蒙

皇上如天之仁僅將臣父子以枷責臣惟舉家頂戴何敢復有瀆陳但思臣父犯罪則臣係罪人之子何以表率寮屬忝任封疆又據臣在京家人稟稱臣父在順城門內枷號二旬因患病求保候病稍痊再行赴部領罪尚未蒙准等語伏念臣父受

皇上天高地厚之恩不能竭力圖報自取重咎雖駢首待死亦罪所宜然惟是臣父年近六旬素有弱疾今復染重病若不能保出調養勢必旦夕就斃長

戴此罪名以沒世矣雖欲改悔遷善其道無由為  
此跪懇

天恩將貴州巡撫員缺另簡賢員准臣赴京代父加等  
領罪或容臣遵

旨敬謹竭力辦理生苗事竣即星馳赴京代父領罪使  
臣父得以洗心滌慮痛加改悔則臣父子均沐我  
皇上賜以再生之恩自新之路雖捐糜頂踵肝腦塗地  
不能仰報於萬一也臣無任戰慄哀籲之至謹

奏

此奏朕嘉悅覽之殊不料張鎬生汝此等佳兒暨趙世錫生趙宏恩郭維莞生郭鉷皆屬奇事雖然人材後勝於前正乃國家之福也汝父之居心行事汝為其子自不敢言姑平心一思是耶非耶但既生汝如是為國宣猷奉公效力之子則諸過悉可抵除已有旨盡寬爾父之罪矣至汝父之心行當以為終身戒萬勿稍蹈一二切須砥礪操守若似汝父是所謂孝子慈孫百世不能

改者雖悔何及謹誌朕恩莫致有負勉之勉之

八萬古州之事設撤兵罷勦可以如舊相安當領悉朕意無庸勉強經營

諭貴州巡撫張廣泗從前石禮哈署理巡撫印務時曾經摺奏古州八萬苗地不入版圖其人兇悍成性往往仇殺且時出擾累居民今各處蠻夷咸傾心向化獨此一隅未通聲教應請用兵勦撫等語朕彼時批伊摺內苗人愚悍仇怨相尋固屬可憫但興兵進勦戕害生靈

朕心不忍豈可孟浪從事石禮哈遂奉諭而止頃因爾  
稱奉差經過其地苗衆歡欣接待禮體恭順僉稱願附  
版圖朕又訪之從滇黔旋京大臣等亦云夷情恭順誠  
然因思內地與苗疆莫非吾之赤子既有抒誠嚮化之  
心豈忍置之膜外是以准爾所奏專委撫綏以慰答苗  
情近聞爾在彼勦撫兼行諒因苗寨繁多心志不一有  
實心歸附者亦有中懷疑懼者不得已有干戈之舉也  
但倉猝脅以兵威未免多傷苗命且強所不願非朕本

念今特遣翰林官二員前來宣示諭旨伊等到時若招撫之事已竣則當加意綏輯倘或執迷不悟切勿徒恃殺伐統俟從容化導以副朕胞與之懷為此特諭

雍正六年十月二十二日貴州巡撫臣張廣泗謹奏為欽奉

上諭事雍正六年十月十七日臣在八寨行營有

欽差國子監司業臣牧可登翰林院侍講臣春山齋捧

上諭一道到臣臣跪讀之下仰見我



皇上天地為心胞與為量雖苗夷蠢類既不忍擯於化  
外尤冀其覆育安全臣雖至愚敢不凜體并又接  
怡親王暨大學士等寄到公字內開字寄巡撫張  
古州八萬苗人雖云互相仇殺出境剗奪尚無顯  
然抗違

國法之罪祇因從前聞得招撫甚易

聖意不忍拒之化外故令舉行今聞苗衆之心不一似  
非撫綏可以竣事但用兵勦滅盡收其地而將來

料理措置亦非易言是以

皇上特發諭旨與巡撫并頒

敕諭曉諭苗人令翰林二人齎捧前來若苗衆原欲就撫易於招徠不至大有誅戮則仍照巡撫前請施行或撤兵有不便之處亦就近商酌倘撤兵可行巡撫應將

敕諭鈔錄宣示苗衆俟其敬謹恭迎然後將

敕諭發往一切事宜

欽差與巡撫面加酌量巡撫不必因從前所奏存回護  
為難之心此事本應行文與鄂總督因滇省路遠  
往來又需時日是以

敕令欽差逕至巡撫處商酌諸事可以口悉也等因臣

愈得詳細領畧伏查臣先於黎平府任內曾兩至

八萬古州曲加開導已願內附隨將情形稟覆督

臣鄂爾泰迨臣叨蒙

天恩擢為按察使奉督臣調赴滇省面囑機宜議令勦

撫蕪施臣即前至都勻府之八寨地方布置并將  
黎平之古州以外生苗行令黎平文武從容化導  
以及附近鎮遠之九股清水江等處生苗亦行令  
鎮遠文武先為料理已陸續據報九股向化者十  
之七八其古州以外并清水江就撫者亦多所有  
八寨經臣親為區畫始猶觀望迨畧示以威即知  
悔悟歸附惟丹江一處竟敢抗違且將他處願歸  
寨分以強勢壓制不容前來經臣親往開示復敢

拒敵傷兵臣隨飛咨請商督撫提臣意見僉同各  
派遣官兵前來茲於十月初五六等日將八寨內  
倡首反覆之楊牌等寨及官兵已到猶敢附惡抗  
違之甲些者良烏歸也條等二十餘寨俱行懲創  
其餘竝未附和反覆者更加以獎賞撫恤并曉示  
首惡寨分業經整頓所有附和各寨既已知威仍  
准投撫隨俱匍匐投赴行營悔罪求生是八寨勦  
撫大局已定惟有謹遵

聖諭加意撫綏務使得所俾共入版圖永沾

聖化至於丹江苗衆臣正擬尅期前進勦撫兼施今恭

接

上諭指示諄切臣何敢徒恃兵力冒昧舉行因與牧可  
登春山等再四商酌思維暫緩進兵但恐苗性至  
愚未能驟曉大義目今不敢遽宣

敕諭祇先將臣等之意再為詳切開導俟其少有省悟  
之機即恭錄

敕諭宣示苗衆務令其明白感激實心恭順且使先經  
就撫各寨聞聽之下莫不羣思凜戴然後撤兵則  
於

國體無損而於苗疆久遠之計亦大有裨益若復經  
開導之後始終抗違而竟停討問是彼既不知保  
全之恩又安解撤兵之意臣愚以為仍應進兵以  
示法紀縱有誅戮不過丹江內強暴頑苗而其餘  
聞風凜惕已就撫者懷德益堅未就撫者咸思依

附則懲創者少而保全者多也再據牧可登等恭  
述

上諭此事應慎密欽此臣當敬謹凜遵但思此案原係  
督臣鄂爾泰總理其事況臣識見淺陋恐所籌畫  
多有未當鄂爾泰認理深細見事明決且怡親王  
等公字內亦開有此事本應行文與鄂總督之語  
是以臣不揣冒昧敬將

上諭恭錄併鈔公字差員星飛捧齎交督臣閱看竝酌



核臣現在所辦情形是否允協仍致囑督臣務須  
慎密外自軍營至滇不過十二日可以往返至臣  
遣去丹江曉諭之人亦約十餘日可以週到俟看  
丹江苗衆是否實心恭順抑或終於抗違即可酌  
定行止亦不至多遲時日臣當與牧可登春山等  
逐一敬謹商議總期妥帖辦理以謐苗疆緣接奉  
上諭事理恐厯

聖懷謹將酌議辦理情由先為繕摺

奏明伏祈

皇上睿鑒謹

奏

古州八萬化誨生苗一事據各處奏報紛紛不一遣牧  
可登春山前來蓋恐汝進退兩難或且暫緩徐圖之意  
今覽爾奏朕洞然無疑矣如果向化者十已七八止餘  
丹江一隅自不應獨留遺孽任其滋蔓分割甚屬明晰  
朕深嘉之汝力能擔荷此事商之鄂爾泰伊何不樂從

之有倘力不能辦鄂爾泰斷不令汝勉強從事也所奏  
嘉悅覽之諸凡惟宜慎重籌畫萬全而行勉之勉之  
觀此光景宣示飭諭之舉可以中止朕原命牧可登春  
山密齋前來與汝商酌者廷臣亦未與知今仍令二人  
齋回可也特諭

同日又

奏為奏明事雍正六年十月二十日准署理貴州巡  
撫臣沈廷正差委把總徐詔齋解銀二千兩到臣

行營竝札開前將送往軍前預備賞賚等項銀兩具

奏今奉

諭旨張廣泗軍中如有所需當寬裕接濟俾不致拮据將朕此旨即行通知令伊源源撥取可也欽此欽遵現在軍需浩繁從前齎送之銀為日已久諒不足用今特動支庫銀二千兩專委把總徐詔管送查收倘隨後再有所需祈即通知等因臣當查收訖

仰惟

聖主體念臣工纖微必燭且使因公措理不致稍有缺  
乏臣查調集官兵除每日支給行糧外其餘竝無  
需費惟奮勇出力之官兵并通事嚮道人等實心  
招徠以及就撫苗民俱應隨時賞賚之處不無所  
用已先准署撫臣沈廷正差送公費銀二千兩前  
來臣逐一搏節現在尚未用完乃今荷蒙

諭旨諄諄以寬裕為念臣益當欽承并有督臣鄂爾泰

不必

於此

小事

出意

統領

兵弁

賞勞

鼓舞

為第一

要務

從前送到緞疋花紅銀牌等項尚有存貯茲准署

萬勿

吝惜

愈能

多用

朕心

愈喜

當遵

旨行

撫臣沈廷正移到銀兩已儘為寬裕緣准署撫臣

恭錄

諭旨通知事理臣謹繕摺

奏明再據把總徐詔稟稱奉有

上諭黔省現有勦撫古州八萬之事又協勦粵西不法

猺苗額設兵丁或不敷用著將湖南就近營兵酌撥

一千名來黔聽候督提調遣并預撥荊州滿兵一千



聖慮合併陳明謹

奏

兵威壯盛方於事有濟切不可稍涉輕忽

雍正六年十二月二十五日貴州巡撫臣張廣泗

謹

奏為恭謝

天恩事竊臣前具奏懇請代臣父張鎬赴京領罪一招

奉到



硃批臣跪讀九叩感激涕零伏思臣父身罹重罪既蒙  
天恩宥免而臣之愚昧尤荷

訓諭周詳勉以終身戒以操守臣恭繹之下愈增凜惕  
在我

皇上之矜全備至無非勸孝勸忠而臣父子履戴  
高深敢不加儆加勵況臣以至愚極賤之人蒙

皇上特達之知授以封疆重任縱使肝腦塗地亦難少

報涓埃乃更以臣父之罪蒙

聖主格外寬宥至於此極嗣今以後臣父子惟有共相  
誓勉洗心滌慮省罪愆於既往效犬馬於將來斷  
不敢自外

生成以期仰副我

聖主造就洪恩於萬一也理合繕摺恭謝

天恩跪祈

皇上睿鑒謹

奏

覽汝奏謝剴切真誠朕甚為嘉悅終身莫移今日此心可也但汝方值壯年蒙朕不次擢用又兼建立奇功切勿自恃致生驕傲胸中竟能忘此顯榮則

高天厚地斷無不錫鑒祐之理一切居心行事以鄂爾泰為楷模而效法之將來亦必為國家棟梁之臣也勉之

同日又

奏為奏

聞事竊查丹江苗衆於臣復行曉諭之時仍敢將附近

欲歸之苗民男婦綁擄而去強悖愈甚則是彼等  
自外生成若不稍加懲創何以儆遏悍頑為巖疆  
久安長治之計正據遣去化導之人回覆前來而  
督臣鄂爾泰回劄亦至內開丹江一帶生苗強悍  
殺刦為害地方茲奉

上諭周詳仰見我

皇上如天好生之至意我輩惟當凜體欽遵敬謹從事  
殺一良懦如殺眷屬觀縱一兇惡如縱狼虎觀巢

撫竝用意主於撫庶幾殺亦為恩而恩可垂久等  
因臣當於十一月初九初十等日派遣官兵陸續  
分路前進臣於十一日亦親往適中之烏耶地界  
調度聲援其奉派右路之定廣協副將蘇大有於  
二十日帶領官兵進至小丹江各寨所有頑苗俱  
堅築牆壕環繞迎敵經該副將奮勇爭先將小丹  
江各寨克取臣即乘勢於二十八日移兵進大丹  
江各寨或勦或撫俱於十二月初三初五等日布

置就緒當有

欽差司業臣牧可登侍講臣春山等於初七日前來大  
小丹江察看明白敬齋

敕諭於初九日自凱里起程回京復

命訖因尚有附惡之雞講等寨頑苗仍不悛悟臣隨派  
令官兵復於初十一等日將雞講大小十一寨  
悉行攻克隨有接聯丹江之上九股以及附近山  
苗俱赴行營輸誠投撫臣遂加賞賚准其收錄至

大小丹江雞講苗人從前之敢於抗拒者倚衆恃險以為懲創必不能加因而怙執如故迨見官兵經臨有如摧枯拉朽彼已伎無所用而又見凡來就撫者恩恤備至遂亦翻然悔悟隨於十四十五等日以後相率匍匐投赴行營悔罪求生認納糧賦願為

盛世良民臣俱諄切宣諭一概准撫仍於科糧從輕事例從簡俾樂輸將而易遵奉所有苗民男婦現已

復業安居即曾被攻燬寨分亦盡來歸故土其應  
因地制宜經久善後之處容俟臣與督提暨署撫  
諸臣悉心圖維擇人分任庶新闢巖區漸次寧謐  
而內地良善永沐安恬矣又黎平之八萬古州經  
臣化導在先并九股生苗於本年六七月間經鎮  
遠協副將張禹謨等亦漸次招撫在案但地廣人  
衆猶須臣親身前往宣布

皇上仁威俾其依向堅切竝察議經久諸事以及附近



鎮遠府之清水江一帶屢據知府方顯稟報情願  
歸附者已有其半臣當飭令從容開導善加撫循  
總期彼等共入版圖咸叨

聖朝治化

臣謹將辦理丹江就緒情形先行繕摺

奏明謹

奏

嘉悅覽焉善後事宜與督臣鄂爾泰詳細商酌料理允  
妥以慰朕懷

同日又

奏為恭謝

天恩事竊臣於開導苗疆一案已將丹江一帶料理底  
定臣一面安插招徠正在繕摺具

奏間據臣標把總齎回臣前奏欽奉

上諭一摺奉有

硃批竝蒙

欽賜貂皮湯羊哈密瓜果子平安丸到臣隨恭設香案

望

闕叩頭謝

恩訖伏讀

綸言欽承

賜賚感戴莫罄奮勉靡從惟有益矢丹誠敬謹匪懈至  
於八寨丹江九股等處生苗勦撫事務甫竣臣尤  
當圖維善後之計請商督提署撫諸臣公同會核  
次第舉行不敢稍有忽畧俾仰副

聖主期勗殷懷以展微臣駑駘之報而已所有原奉  
硃批敬封恭繳外理合繕摺跪謝

天恩謹

奏

苗疆開通固屬不易而安插撫輯為尤難諸凡善後事  
宜正爾職分中之要務今日措置一分妥協將來省汝  
一分心力也詳悉籌畫為之

雍正七年正月三十日貴州巡撫臣張廣泗謹

奏為奏明事竊臣於辦理開通生苗一案已將八寨

丹江雞講九股等處勦撫就緒并此外之八萬古

州暨清水江或宣諭在先或情願歸附者一面飭

汝親

往查勘諸凡最宜詳慎斟酌朕另有諭鄂爾泰之

著就近文武從容布置並將臣猶須親往察勘緣

音

由於雍正六年十二月二十五日在丹江行營具

摺奏

聞伏查丹江八寨等處均屬要區今開通既定其一切

善後事宜關係綦重是以臣備叙情形咨請督臣

鄂爾泰詳核指示去後嗣准督臣覆稱設鎮安營  
建官畫界等事必須面商熟籌庶為久安長治之  
計非可約畧輕易亦未可懸擬遙度應即接印視  
事以便署撫沈廷正赴滇到任鄂爾泰方可起程  
來黔面議種種等因臣未便耽延因自行營旋省  
於本年正月十七日抵巡撫任接印視事業經恭  
疏

題報外現在新附八寨丹江九股等處酌量險易分

委定廣協副將蘇大有鎮遠協副將張禹謨都勻  
營叅將趙文英長寨營叅將官祿統率官兵彈壓  
拊循俱各寧帖惟俟督臣鄂爾泰不日到黔會商  
妥協當如何措理另摺

奏請施行並應前往古州清水江再為宣布

好與督臣鄂爾泰悉心籌計勉力為之  
皇仁察議善後諸事俾一勞永逸上慰

宸衷至臣荷蒙

聖主逾格隆恩由知府微員於一年之內

擢授巡撫夙夜冰兢實深不能勝任之懼茲值苗疆事

務初竣尚須料理又未敢冒請叩謁

天顏親承

聖訓謹將臣旋省到任情由繕摺具

奏竝跪懇

聖慈訓誨指示庶徵臣有所遵循不致隕越統祈

皇上睿鑒謹

奏



常思不辱朕用人顏面則一語可行之終身矣

雍正七年七月二十二日貴州巡撫臣張廣泗謹  
奏為奏明事竊照清理苗疆一案仰賴我

皇上仁威遠播蕪蒙

訓諭周詳臣欽遵逐一敬謹辦理得以漸次就緒嗣於  
本年三月初七日督臣鄂爾泰抵黔省臣將前後  
所辦之處並苗情地勢面述請商又荷督臣確核  
裁示臣諸事更獲依循當於三月二十七日自省

起程復往鎮黎各郡察勘布置業經恭疏

題報在案查八寨丹江九股等處既已料理告竣此  
後應接聯布置者則係清水江緣江之南北兩岸  
寨分稠繁人丁衆多所有北岸各寨臣於駐劄丹  
江之時即令鎮遠文武相機招徠已俱就撫而南  
岸各寨頑良不一尚在觀望是以臣檄委鎮遠協  
副將張禹謨帶領官兵公同鎮遠府知府方顯前  
去將已撫北岸各寨地方察勘宣諭即可體詢未

撫者之向背情形及張禹謨等逐漸進至柳羅駐  
兵對臨南岸即有公鷺寨苗衆聽信漢姦唆撥遂  
勾結柳利雞擺尾等二十餘寨渡江攻營當被官  
兵迎殺頑苗數十人我兵亦傷亡十九名臣聞報  
會商督臣一面飛飭張禹謨等加意固守臣即一  
面星馳前去自臣到營之後該苗人等斂跡不出  
無敢復過江者又有柳利苗人不招自來喊求叩  
見臣知頑苗已有畏懼渙散之意遂分遣通事人

等潛往各寨解其黨羽公鶩遂成孤立而防守亦懈臣於五月十四日子刻先令勁卒善水者乘霧浮江而過奪取其船官兵由上游渡江奮勇攻殺頑苗不支俱各奔竄十五日又邀同雞擺尾等寨前來攻營復被官兵衝擊頑苗傷斃甚衆大潰而返始知畏懼求生縛獻漢姦繳納軍器匍匐投誠殆無虛日又江北岸有平夏一寨向來肆惡無比於去歲官兵清理苗疆之時猶敢殺擄順洞糧苗

難以姑宥臣亦乘機發兵嚴加懲創仍令繳納鎗械并擒獻兇首發審在案其餘未歸各寨俱望風歸化約可萬戶臣隨傳集苗衆人等宣布

皇上天地覆載之恩不忍一介蠢頑棄置化外之至意該苗聽聞之下俱歡忻曉悟查清水江兩岸新附之區即接聯九股丹江延袤千有餘里布置甫定其防維綏輯之方必得賢幹大員始克勝任臣隨請商督臣派令新陞鶴麗鎮臣蘇大有前來臣將

諸凡事宜詳細諄囑即於六月二十五日從清水江起程前赴黎平料理八萬古州事務再臣於五月內在清水江行營接據駐劄丹江副將官祿稟報丹江內之桃繞等寨苗人聽信漢姦殺害差兵通事并糾衆乘夜衝營經官祿指揮弁兵將頑苗擊退等情臣隨抽撥官兵五百餘名著令馳去以資防禦而督臣亦自省需委安籠鎮臣哈元生前赴丹江相機調遣今該苗等已縛解漢姦呈繳鎗

械又認罪求生并願拏獻兇首各緣由現在定擬  
完結所有一切情形緣督臣現駐黔省已不時摺  
奏以及勦撫生苗就緒之處又經會疏

題達在案是以臣不敢冗贅上瀆

宸聰謹將臣察勘鎮黎邊境竝料理清水江事宜繕摺  
奏明謹

奏

鄂爾泰亦經奏聞矣朕懷深慰此事之成功就緒皆仰

賴

上天垂祐鄂爾泰暨汝一念忠誠之所致但嗣後一切措置尤當加意圖維毋涉輕忽倘少不妥協豈但前功盡棄且將貽笑於天下後世其害可勝言哉敬慎為之

同日又

奏為奏

聞事竊查黔省今歲夏田情形併豆麥春蕎仰荷

皇仁收穫豐足業經督臣鄂爾泰於五月內查明分數



具

奏在案臣以察勘苗疆於三月二十七日自省起程  
經過沿途地方正當播種之際雨水即已霑足迨  
抵行營駐劄目覩苗民栽插晴雨應時青禾秀發  
嗣臣布置清水江已竣前赴黎平更見早稻已有  
收割者其晚稻皆穎粟堅好迥異尋常有莖長七  
八尺者有兩歧者又有兩穗三穗至於徧畝者臣  
凡到一處即詳悉詢問據民苗人等歡呼稟述以

為從來未有之奇且非特郡縣之間景象如此即僻遠苗寨以及新撫夷蠻之地臣或已親歷或遣人探查咸以十分豐熟見告兼據司道等稟稱上游五枝苗有獻嘉禾者一莖竟至十二三穗此不獨邊地所未覩尤屬遐邇所罕聞因奉有

特命停獻嘉禾諭旨臣不敢恭進所有臣親歷各處目擊豐稔情形理合繕摺奏

聞伏乞

皇上睿鑒謹

奏

所奏欣悅覽之似此異常嘉禾實屬難覲如尚有存留者附便進呈仍不必題奏

同日又

奏為恭謝

天恩事雍正七年三月十七日臣家人捧回臣因臣父

張鎬獲罪荷蒙

聖慈宥免敬據蟻忱恭謝

天恩一摺奉有

硃批竝蒙

欽賜貂帽孔雀翎袍褂寧絢又蒙

特給奏摺匣四箇并鑰匙二枝到臣當即郊迎至署恭

設香案望

闕叩頭謝

恩訖伏讀

殊諭以臣建立奇功切勿自恃致生驕傲胸中竟能忘此榮顯則

高天厚地斷無不錫鑒祐之理欽此竊思開通苗疆一事實由我

皇上聖德神威徧播遐荒一道同風所致又加以督臣鄂爾泰敬凜

宸衷處置安詳指示明晰臣不過遵奉而行兼之凡有宣力之處又皆將弁軍士各供驅策共矢勤勞逐

漸經理就緒臣何敢覲顏竟居功之一字而自恃  
驕傲耶又伏讀

硃諭一切存心行事以鄂爾泰為楷模而效法之將來  
亦必為國家棟梁之臣也欽此伏惟鄂爾泰忠誠素  
著學問淵深處事剛明率屬公正臣向在其屬下  
遇事多承啓迪今更欽承

聖主造就殊恩指示效法臣惟愈加凜體於察吏安民  
之道存心行事之間竭力步趨虛衷則效縱臣智

識不逮或冀彷彿獲有寸益則可無負

聖訓即微臣亦得漸就成材勉圖報稱也為此叩謝

天恩竝繳

硃批謹

奏

古人云有為者亦若是如此矢志甚好近日朕於後進  
撫臣中深有望於汝與金鉷二人也勉之

同日又

奏為恭謝

天恩事雍正七年四月十五日臣標把總捧回臣於抵  
巡撫任後具

奏一摺奉有

硃批竝蒙

欽賜果子二匣到臣當即恭設香案望

闕叩頭謝

恩跪讀祇領訖仰惟我



皇上至誠臨御凡所以策勵臣工之處無不委曲諄詳  
從來

君明則臣良我

皇上為堯舜之君當必有臯夔稷契之臣庶以贊佐  
聖治於萬一如臣猥以庸愚叨荷封疆重任臣縱不自  
愛獨不懼為

盛世之羞乎且臣以外任微吏半載之間遽邀  
簡擢殊恩迥逾常格臣之賢愚實有關我

皇上知人之明今蒙

聖主期勗至此臣跪讀涕零不知所云嗣此以後惟有恪遵

訓諭時時凜惕竭盡駘駘期於始終匪懈而已臣不勝惶恐感激為此繕摺恭謝

天恩謹

奏

汝能深體朕之苦衷夫復何諭但加勉言行相符莫辜

負殷殷期望也

同日又

奏為奏明事竊臣有堂叔張鈺係候選知縣職銜於  
雍正五年三月內欽奉

上諭興修江南水利一案具呈吏部帶領引

見命往效力臣知其外貌雖屬可觀而向來舉止乖張  
性情疎謬但思彼既蒙

聖恩揀發或知檢束自愛漸就成材臣以相隔遙遠不

能深悉惟於江南往來便差有認識者留心詢問  
據云頗不安靜且因臣荷蒙

簡擢巡撫之後即在江南以臣係伊子姪為辭向人招  
搖雖尚無實在款蹟設有愚昧無知之輩遇事輕  
聽入其術中則臣罪莫可逭矣臣查張鈺已經原  
任山東撫臣陳世倌於

題明各員分委過工程效力緣由內稱候選知縣張  
鈺賦性浮夸不便留工委用應令回旗以聽部議

等因聲明具

題在案何竟仍事淹留招搖無忌為此具摺陳明仰  
懇

皇上俯賜敕部飭查張鈺如尚在江南應行督撫催令  
回旗拘管約束庶妄誕之徒不致滋事微臣得免  
遠顧皆我

聖主格外矜全之賜也臣不勝惶恐激切之至謹  
奏

覽奏朕甚嘉之為大臣者當如是居心也

雍正七年八月初六日貴州巡撫臣張廣泗謹

奏為恭逢奇瑞慶見謹據實奏

聞仰祈

睿鑒事竊臣前因察勘苗疆駐劄黎平府時接據思州府稟報府治於七月初八日有慶雲呈現嗣又據稟報初九初十十七十八二十二等日俱見慶雲異彩奇形官民驚喜實為上瑞等因迨臣前進古

州行營又據黎平協副將趙文英稟稱於七月二十五日在生苗梅得寨之後山忽覩祥雲自未至酉光華燦爛映射旌旗等語及臣旋省正值萬寶告成之後據各屬紛紛稟報齋驗前來稻穀有每莖十餘穗者有兩歧三歧者有高七八尺至於徧畝者甚至高粱亦有五歧六歧者小米有穗長二尺并二十四穗者他如秋蕎紅稗以及菜蔬瓜果之類咸俱發育茂盛且非特郡縣內地一概如是

凡深僻苗地并新開之丹江八寨九股清水江古  
州各處亦皆十分豐稔迥逾尋常是皆我

聖主至誠感孚以致

太和洋溢豐著休徵徧處陽春年書大有

皇猷懋建永永無既也臣犬馬寸衷歡忭無似所有據  
報慶雲已經督臣鄂爾泰會疏具

題在案至於嘉禾瑞粟等項現在通查各屬俟秋收  
之後統行彙核



奏報謹將臣目睹奇瑞豐稔情形據實繕摺奏

聞謹

奏

以手加額覽焉斯皆卿等竭誠奉公感召所致慶幸之  
懷筆難悉喻目擊響應之理當愈加寅畏勉勵公忠以  
仰答

天貺可也

同日又

奏為奏明事竊臣前以察勘苗疆竝將清水江布置就緒以及親赴黎平料理古州事務緣由業經繕摺奏

聞昨臣已抵黎平將附近古州之岑梗梅得兩寨頑苗令副將趙文英領兵進勦苗等畏懼俱已繳械投誠其古州苗人咸各相率就撫所有新闢地界經臣身歷目覩悉心體察其形勢險阻而又貼近腹裏之區綿延周匝統計有二三千里已居黔省舊

管幅員十分之七蕪之大小寨分聯絡相應男婦  
丁口更為稠蕃今既循次開通則彈壓撫綏必當  
詳慎周密有應向外控制者有應深入扼據者在  
目前新苗初定我兵心力宜使聯聚不可渙散應  
先安設大營次議分布塘汛所有營制臣業與督  
臣再四酌議共需兵八千名除於各協營可以抽  
減二千餘名外尚應請添兵五千餘名再此等處  
所若以地界遼濶戶口衆多而論本可設立二三

郡但苗夷初歸祇須約束拊循事務頗簡若設立府縣正印官徒增經費且新開之處一切經理創作尤藉資附近之各府地方若遽行分割另立郡縣則新疆與舊轄官民人等俱未免岐隔不能聯絡是以酌議即於鎮遠黎平都勻三府各添設同知通判等官俾以理苗之責專駐其地既為府佐不獨於新疆治理有益凡係該府舊轄之處該丞倅亦呼應得靈無可使民苗情勢相通日就觀感

并擬於黔省下游請添設一道員以統轄之俟撫  
綏約束二三年之後法制既行勸施有效另當分  
疆畫界以定郡縣規模再俟數年地方大定則將  
所安八千兵丁之內亦可酌量抽減也臣察議如  
此因科場屆期而督臣鄂爾泰來黔已久兼有老  
撾國輸誠進

貢一事亟須回滇料理臣當於閏七月初七日自古  
州起程於十八日已抵臣署又將措辦情形暨所

議之處向督臣詳細講論督臣意見亦同現在備  
叙諸凡事宜開送督臣稽核另行會疏恭請

聖鑒指示以便遵行外督臣即於閏七月二十一日自  
貴陽起程回滇訖合併

奏明謹

奏

設官安營各事宜會題到日交部議覆有旨

同日又

奏為奏明事竊查黔省上游之貴陽安順威寧三郡  
素稱產米之區所以向來積貯亦多而下游之平  
越都勻鎮遠思南黎平等府產米有限所以向來  
積貯亦少經前署撫臣石禮哈議將下游米少之  
府州縣舊存米二千石者再買貯一千石舊存米  
不及二千石者俱買足二千石通計下游府州縣  
共十五處應買補米一萬五千一百石并將上游  
貯米太多之府州縣除酌數留貯餘則出糶以免

朽腐之虞業已部議允行嗣因去年米價高昂難  
於採買又經前撫臣沈廷正咨部展限接准部文  
令於今年秋收後查明時價報部買補等因是此  
一萬五千一百石係應亟為購買毋庸延誤也但  
黔省年來屢次動兵暨清理苗疆一案多於下游  
各屬撥用米穀則前有之存貯已為空虛且現在  
新開之苗疆等處俱各駐劄官兵所需口糧尚應  
源源撥給是於原買補之外更須分別再為多貯



庶不致有匱乏應請俟秋收米賤之時於附近八寨丹江之都勻麻哈清平等府州縣附近清水江九股之鎮遠黃平施秉等府州縣附近古州之黎平開泰等府縣各分別添買米數千石及一二千石不等以備供支竝為儲蓄之用臣於旋署之日即面商督臣竝與司道等詳悉妥議意見僉同緣秋收將屆若俟

奏請部覆到日恐致耽遲是以一面酌動藩庫銀兩

發交各該府州縣將原行買補暨議請添貯之米  
均照時價採買其動過銀兩買米價值數目另行  
詳核具

題外臣謹先行繕摺

奏明再黔省地處遐邊額賦無多所以耗羨甚少凡  
有一切必不可已之公費恒苦不足臣抵任以後  
曾與司道等詳為籌畫適值督臣來黔亦以為宜  
圖所以裨補之法查上游之銅廠鉛廠等項俱係

聽民開採官不過照例抽課毫無稽查以致其間  
有當加以調劑俾有起色者有應釐剔積弊者并  
可做照滇省買運銅鉛之例動帑收買發運四川  
地方轉售臣已面請督臣指導即經委員前往確  
查措辦頗有頭緒現議在於附近各廠之畢節縣  
開爐鼓鑄所需銅鉛籌備足用之外逐漸經理既  
使商民稱便并可節省錢糧兼有餘息通計每年  
約可得數萬兩實於

國帑有裨公費有濟今督臣已經回滇臣復公同司道詳細酌議開送督臣再加稽核會疏

題報理合一併附陳統祈

皇上睿鑒謹

奏

籌畫甚屬妥協照所議行具題到日有旨

同日又

奏為奏明事竊查向隸川省之遵義一府并所轄正

安遵義桐梓綏陽仁懷五州縣因去川省甚遠離  
黔省頗近於敬陳黔蜀粵西三省調劑疆域等事

案內奉

旨改歸黔轄以資治理官民稱便緣該府在川時有安  
插流民查丈田畝一案荷蒙

欽差到川分定處所公同各該管道員辦理嗣以遵義  
歸黔經川撫臣具

題交與黔省查照措辦即經前署撫臣沈廷正檄委

貴西道王廷琬前往督率各該地方官逐一清查去後臣於本年正月抵任因安插查丈事務關係重大復檄調該道至省細詢情形查遵義一府切近黔地於明末闖賊之變受害猶淺是以民多土著在從前田地雖亦有荒棄者今太平日久多已自行墾闢少有閒曠別省之人入川者見其地無荒可墾不能駐足皆過而不留現在遵屬竝無流民應予安插者惟田畝一項欺隱實多當與川省

一體查丈辦理臣當將欺隱弊端備細諭明該道令其詳慎清查去訖迨該道抵遵之後實心區畫勸誡該府州縣等亦皆黽勉奉行士民俱各踴躍遵從所有從前欺隱糧賦各行首出其一次舉首未盡者首至兩次三次至一切插荒墾占朋名立戶包免免荒詭寄飛灑混列四至捏造契照等弊悉已逐一清釐咸予更正現據該道稟稱遵義一縣將次告竣正安桐梓綏陽仁懷四州縣俱有成

局因遵屬田畝向不按畝定額祇論穀種料今  
既經首出欺隱清釐諸弊正當乘此將糧戶的實  
姓名田地坵段畝數弓口四至俱逐一分晰里甲  
攢造魚鱗冊籍毋致仍前訛錯遺漏庶官民永遠  
遵照以仰副

聖主惠育羣黎之至意除俟科場事畢臣檄令該道再  
往督率經理完竣另行會疏

題達外所有現在辦理情由臣謹繕摺



奏明再查遵屬州縣向在川省輸納錢糧火耗係按  
加三徵收起解歸公又於正耗之外有幫貼一項  
每兩自五分一錢以至二錢五分不等黔省火耗  
每兩自加一加一五以至加二而止再無絲毫加  
派是遵屬較之黔例每州縣徵收火耗幫貼核算  
竟有加五五者實為偏重在從前民間田糧多有  
欺隱尚不為累茲既清查增額似宜量予輕減且  
按川省清查原卷亦有查丈清楚火耗可以遞減

之議今臣與藩司議令遵義各屬火耗俱照黔省  
加二之例徵收至幫貼一項本應豁除因細詢該  
州縣地方實在尚有不可已之經費故酌定除完  
正耗外每兩只暫收幫貼銀五分俟清丈之事告  
竣并諸務興舉之後即當革除與黔例同歸畫一  
公私均獲裨濟矣理合一併附陳統祈

皇上睿鑒謹

奏

具題到日另有諭旨遵義一府雖改歸黔省諸凡措辦處必與川省畫一方合不宜參差互異也若川省之所料理或有不協當一面密咨商酌一面奏聞請旨

雍正七年九月十六日貴州巡撫臣張廣泗謹

奏為奏

聞黔省年歲大有情形竝米糧價值事竊黔省今歲自春涉夏以至秋成雨暘時若百穀豐稔業經臣兩次摺

奏茲奉到

硃批所奏欣悅覽之似此異常嘉禾實屬難覲如尚有存留者附便進呈仍不必題奏欽此仰見

聖主惟誠惟敬不言祥瑞而重念民依無時或釋之至意然臣彼時所

奏係就鎮遠黎平兩府經由目擊者而言迨臣於閏七月內旋省之後據通省地方文武紛紛稟報無論漢土苗疆高低原隰所種稻禾以及黍粟等類

莫不蕃實暢茂嘉禾瑞穀難以悉數其稻穀則自  
一莖兩三穗起至十五六穗不等其粟米則穗長  
一尺四五寸至二尺不等更有稻穀一本三十穗  
者粟米一本四十八穗者甚至一穗之上復生為  
六岐九岐者不獨天末遐邊從來未見即中州沃  
壤亦所稀聞是皆我

皇上敬

天法

祖念切民依至誠感召之所致理應據實奏

聞請

旨宣示中外備書史冊昭垂萬載以光

聖治除會同督臣另行繕疏

題報竝將嘉禾瑞穀敬貯萬八千穗繪具全圖委官

領齋恭呈

御覽外臣謹繕摺

奏明再收成之後所有通省米糧價值每石自四錢

起至五六七錢不等即產米頗少之處每石亦不過七錢以至八錢有零合併奏

聞統祈

皇上睿鑒謹

奏

據奏黔省秋成大有情形朕懷曷勝欣慰以手加額覽焉

同日又

奏為懇請

題達叩謝

天恩事竊查雍正七年五月內准到部咨欽奉

上諭各省督撫提標俱倣照八旗兵丁之例按兵丁之數分別給賞銀兩交與該督撫提督委員料理營運以惠濟兵丁臣標兵丁一千三百八十名蒙

恩賞銀六千兩又於雍正七年七月內准到部咨欽奉上諭數年以來甘肅四川雲貴廣西五省有用兵等事



其一切軍需皆動公帑備辦秋毫不派及於民間而糧餉轉輸亦有資民力將貴州庚戌年額徵地丁銀七萬四千有奇

特予蠲免各等因欽此臣隨先後轉行布政司暨臣標中軍遊擊通飭遵照去後迨於八月初六日臣入闈監臨又接到部咨內開奉

旨黔省鄉試文舉中額加增六名武舉中額加增三名等因欽此臣復欽遵行司出示曉諭在案昨以試

事告竣揭曉臣出闈之時正值多士雲集在省合  
同耆老兵民人等赴臣衙門伏地歡呼懇臣代  
奏并各具呈由布政司中軍等衙門詳請代

題叩謝

天恩前來除各照例具本

題達外臣目覩輿情感戴實深欣慶之忱理合繕摺  
奏

聞謹

奏

睹茲軍民士子感戴情形我君臣愈當共加黽勉檢身敬事絲毫勿涉驕矜恣肆若少存自滿假之心必招不知足之報此理實捷如影響也戒之慎之

雍正七年十一月二十六日貴州巡撫臣張廣泗

謹

奏為恭

進稻孫靈芝事竊照普安州地方於收穫之後復長

瑞穀并據都勻府送到苗地石上所產靈芝恭逢  
萬壽聖節官民稱慶望

闕嵩呼各情由業經臣會同督臣鄂爾泰另疏具

題在案伏查他省田土或有一歲收成兩次者皆因  
地煖早收復行播種所致黔中土薄性寒雖稻穀  
之成熟有早晚不同而從來未有播種兩次者今  
普安州所屬竟以遺留在田之稻根自發禾苗不  
藉人力不費耕耘漸至成熟且盈阡滿陌復覲豐

稔是誠農祥奇特自有書契以來所未載者至於  
芝草之生古來稱為上瑞紀述亦繁或係依附草  
木或係叢生於地今都勻府齋到靈芝乃全不附  
藉於草木竟從石上雙幹挺生長幾盈尺且其芝  
蓋連理五色煥彩是誠我

皇上萬年仁壽之徵全黔民物之慶臣犬馬愛戴微衷  
莫可言喻敬將稻孫靈芝而差臣標把總捧齋恭  
呈

御覽伏祈

睿鑒謹

奏

覽所奏并齋來稻稬芝草朕實為欣慶我君臣惟凜敬  
畏之誠毋致稍縱乃志從來休咎共域禍福同門皆在  
人之自取書曰

天難諶命靡常曷可一時不慎耶睹斯影響之昭示益驗  
感召之微妙能於幽獨處不愧庶幾立身之本得矣勉

之

同日又

奏為奏

聞事雍正七年八月二十日據黎平府知府張鉞黎平  
協副將趙文英公同報稱卑職等奉委帶領官兵  
在古州駐劄撫綏於本月十五日有土通事楊士  
奇稟稱在營盤外檢著布包一箇內係散碎銀兩  
不知何人失落不敢隱瞞特送臺前收明俟原主

找尋給還等語至下午時分有利洞苗民老頓等  
五人赴營稟稱同夥賣猪肉生理共有紋銀十三  
兩三錢零本日早間失落今知有人拾得送官懇  
為查給緣由隨檢閱包內數目字記相符當即給  
還而老頓等感激楊士奇以銀二兩酬謝楊士奇  
亦不肯受卑職等當將楊士奇獎賞以彰善俗理  
合報明等情又於九月二十四日據署貴定縣知  
縣陳以明報稱本月十九日據縣城鄉約鄧起龍



等稟稱本日係趕場之期有民人王明在場失落銀包一箇內銀三兩零竝契約一紙遍場尋找忽有麥董寨狝苗阿羅認承拾得銀包憑著鄉約等當衆開看銀數契紙俱合即行交還王明願請酒謝銀伊竝不要如此見財不取衆民歡悅只得具報等情卑職一面給以花紅合將緣由具報等情據此經臣先後檄司獎賞竝飭各該地方官給予匾額以示獎勵外伏思楊士奇係苗邊土役其阿

羅係夷狎之流生性最重貨財乃竟能拾金不昧  
却辭謝資咸知好義誠由我

皇上聖德感孚潛移默化所致臣曷勝欣躍謹繕摺奏  
聞謹

奏

據奏邊民有好義之誠朕深為嘉悅候另有諭旨

同日又

奏為恭繳

硃批叩謝

天恩事竊臣家人自京捧齋

奏摺匣回黔竝蒙

欽賜貂皮大緞寧綯哈密瓜到臣臣郊迎至署望

闕叩頭祇領訖隨敬開摺匣有臣具奏黔省慶雲以及  
豐稔情形一摺奉有

硃批臣跪讀再四不勝敬慄伏思整理苗疆之舉總由  
聖主德威遐播且非祇寧謐巖疆奠安庶民而已俾此

數十萬之愚蒙從古未霑治化者一旦超出沉淪  
共為赤子所以協

天心休徵疊應用慰我

皇上憂勤懷保之至意所有苗疆一切善後事宜臣惟  
恪遵

聖訓加意敬謹辦理不敢稍有疎畧即督臣鄂爾泰雖  
在滇省百凡告誡備極周詳近因前赴粵西尤以  
各處行營駐劄文武各員不能和衷不能鎮靜為

慮諄諄致。臣就近提撕其紮開有云苗疆之役始  
事非難而善後為難。治苗非難而任將為難。誠實  
者。或才智平庸。機警者。或器量淺狹。祈為時切提  
撕。必得視公事如家事。合衆心為一心。目下之所  
急講者。專在馭將。將果得人而苗不必患矣。又云  
駐劄苗疆。諸將須頻頻告誡。勿玩事。勿生事。勿爭  
功。勿忌功。勿貪小利。勿輕役使。惟嚴藏於寬。斯畏  
生於愛。無事時常防有事。有事時化為無事。則雖

大敵當前不難操縱何況蚩蚩苗獮哉目下治苗專以不生事不啓釁為主所以上慰

聖懷下安兵民保前功而毋貽笑者全在於是等語此

不獨治理新疆之要道而實人臣莅事之規箴臣  
札內之語洵屬字字切要所當心悅誠服照此力行告  
當逐行札囑竝隨時隨事舉以告誡務期交相勉

誠者也

勵實力凜佩現在各處行營皆係駐扼險要官兵人等俱各感戴

皇恩和衷撫戢其出師兵丁內有因患病回營及差遣

缺額者應行撥補并現在

題請設立鎮營尚須添募兵丁應上緊招募足額以  
及將來新兵所需礮位鎗械之類應預為估製凡  
此經提臣楊天縱昨遵

旨到省會考武舉之際臣俱逐一面商辦理又各處安  
設營制應建城垣臣已請商督臣若用磚石不但  
工費浩繁抑且動需時日今酌議概以土築量加  
堅厚即可經久以及官署營房先行酌給銀兩預

備物料俟部覆到日速為蓋造使營制規模早定  
所議是但創始雖用土築應否續加磚石抑或永為土  
星羅碁布壁壘森嚴則苗人心志自定庶收一勞  
城之處當與鄂爾泰再加詳商  
永逸之效矣伏思臣才本凡庸膺斯重任仰蒙

聖主訓諭切至勉以寅畏勗以公忠敬承之下敢不凜

第能體竝領會督臣始事非難善後為難之告誡於一  
駕馭屬員教誡有方何事不克就緒也  
切事宜惟有慎重圖維措置妥協以上副

宸衷垂注稍盡臣之職分也再臣原

奏黔省應買貯米石并收運鉛斤以及辦理遵義府



地方清丈田畝等事現在遵奉

諭旨逐一詳核另疏會

題外合將奉到

硃批五摺恭繳竝跪謝

天恩伏乞

皇上睿鑒謹

奏

覽

殊批諭旨卷一百八十九上